

Na osnovu člana 16. stav 4. Zakona o Vladi Zeničko-dobojskog kantona – prečišćeni tekst («Službene novine Zeničko-dobojskog kantona», broj 7/10), a u skladu sa članom 48. i 51. Zakona o izvršavanju Budžeta Zeničko-dobojskog kantona za 2014. godinu («Službene novine Zeničko-dobojskog kantona», broj 15/13), na prijedlog Ministarstva za prostorno uređenje, promet i komunikacije i zaštitu okoline, na 147. sjednici održanoj 06.02.2014. godine, d o n o s i

ZAKLJUČAK

I.

Usvaja se Program utroška sredstava u razdjelu 19, budžetska organizacija 01, potrošačka jedinica 0001, Fond za zaštitu okoline za 2014. godinu, ekonomski kod 614116 (Transferi općinama iz sredstava Fonda za zaštitu okoline), u iznosu od 3.480.000,00 KM (slovima: trimilionačetiristotineosamdesethiljada konvertibilnih maraka), i ekonomski kod 6139, 6143, 6141 u iznosu od 870.000,00 KM koji čini sastavni dio ovog Zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog Zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____ /14.

Datum, 06.02.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Ministarstvo finansija,

1x a/a.

PROGRAM

utroška sredstava Fonda za zaštitu okoline za 2014.godinu

I.

Projekcijom budžeta Kantona za 2014 godinu planirana sredstva Fonda za zaštitu okoline iznose 5.350.000,00 KM. Od tih sredstava, u skladu sa Zakonom o povjeravanju javnih ovlaštenja iz oblasti zaštite okoline, na razdjelu 2204 planirana su sredstva u iznosu od 1.000.000,00 Univerzitetu u Zenici-Matalurškom Institutu „Kemal Kapetanović“. Sredstva u iznosu 4.350.000,00 KM raspoređuju se, u skladu sa Odlukom o načinu raspodjele sredstava Fonda za zaštitu okoline broj: 02-14-27197/12 od 07.12.2012. godine („Službene novine Zeničko-dobojskog kantona“ broj:18/12) u omjeru 80% sredstava u budžete općina a 20% su pripadajuća sredstva Kantona.

Sredstva, u iznosu od 3.480.000,00 KM se usmjeravaju u općinske budžete a troše se namjenski za planove i projekte iz oblasti zaštite okoline. Izvještaj o utrošku tih sredstava općine na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema cjeloviti Izvještaj za Vladu Zeničko-dobojskog kantona.

Pripadajuća sredstva kantona koriste se za realizaciju projekata zaštite okoline, te za potrebe interventnog djelovanja u slučaju ekoloških incidenata ili elementarnih nepogoda.

Planirana sredstva Fonda za zaštitu okoline u 2014 godini, koja pripadaju Ministarstvu za prostorno uređenje, promet i komunikacije i zaštitu okoline iznose:

Ekonomski kod	Vrsta izdatka	Iznos sredstava
6139	Ugovorene usluge	100.000,00 KM
6143	Tekući transferi	100.000,00 KM
6141	Transferi drugim nivoima vlasti	670.000,00 KM

II.

Planirana sredstva u iznosu od 870.000,00 KM koja pripadaju Ministarstvu za prostorno uređenje, promet i komunikacije i zaštitu okoline za 2014. godinu će se utrošiti za realizaciju sljedećih projekata.

1. **Naziv projekta:** Pomoć općinama Zeničko-dobojskog kantona u postupku zbrinjavanja komunalnog otpada

Cilj projekta: U cilju realizacije Akcionog plana Federalne strategije zaštite okoliša (2008-2018) i Plana upravljanja otpadom Zeničko-dobojskog kantona potrebno je pružiti pomoć općinama koje odlažu ili planiraju odlaganje otpada na Regionalnu deponiju „Mošćanica“. Upravljanje komunalnim otpadom podrazumijeva uspostavu dogovarajuće infrastrukture za prikupljanje komunalnog otpada, izgradnju pretovarnih stanica, selektiranje, recikliranje komunalnog otpada i odlaganje na uređenu regionalnu deponiju. Pomoć općinama u pravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju. Program će se realizirati putem javnog poziva.

Iznos sredstava: 670.000,00 KM

2. **Naziv projekta:** Podrška podizanju svijesti o okolišu
Cilj projekta: Ostvariti partnerski odnos i saradnju sa nevladinim organizacijama, obrazovnim institucijama i medijskim kućama, uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla.
Iznos sredstava: 100.000,00 KM
3. **Naziv projekta:** Izdavanje časopisa o zaštiti čovjekove okoline «ZE-DO EKO»
Cilj projekta: Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.
Iznos sredstava: 12.000,00 KM
4. **Naziv projekta:** Upravljanje kvalitetom zraka na lokalnom nivou
Cilj projekta: Ovaj projekat podrazumijeva održavanje stručnog seminara koji se odnosi na pristup upravljanju kvaliteta zraka, monitoring kvaliteta zraka obradu i tumačenje dobivenih rezultata monitoringa itd. što je kompatibilna aktivnost sa uspostavom monitoring centra na UNZE-Metalurškom Institutu „Kemal Kapetanović“.
Iznos sredstava: 5.000,00 KM
5. **Naziv projekta:** Pomoć u finansiranju programa i projekata energetske efikasnosti u javnom sektoru.
Cilj projekta: U želji da se podstiču projekti energetske efikasnosti potrebna je finansijska pomoć u realizaciji konkretnih projekata utopljanja javnih objekata kao što su zdravstvene ustanove, škole itd.
Iznos sredstava: 83.000,00KM

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Pomoć općinama Zeničko-dobojskog kantona u postupku zbrinjavanja komunalnog otpada	670.000,00
2.	Podrška podizanju svijesti o okolišu	100.000,00
3.	Izdavanje časopisa „ZE-DO eko“	12.000,00
4.	Upravljanje kvalitetom zraka na lokalnom nivou	5.000,00
5..	Pomoć u finansiranju programa i projekata energetske efikasnosti u javnom sektoru.	83.000,00
	UKUPNO	870.000,00

Broj: 02-_____ /14.

Datum, 06.02.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

- 1x Ministarstvo za prostorno uređenje,
promet i komunikacije i zaštitu okoline,
- 1x Ministarstvo finansija,
- 1x a/a.